

魚在迷津苦海隨波逐浪漂遊閑拋香餌下綸鈎一釣俄然回首也是宿緣深重一齊萬事都休前途何處是程頭作箇羣仙領袖

又

欲要超離苦海先須割愛忘情從來坑塹剗教平不入荒涼斜徑幻景浮華識破疑心妄念休生蕭蕭灑灑向前行步步蓬萊有準

又

既悟出家學道須憑一志堅堅假饒心上起諸緣全在慇懃煅鍊處眾莫生異見利他損己爲先內功外行兩雙全得赴瑤

道藏輯要

草堂集

五

易集七

池瓊宴

贈平州菩薩堂劉僧

大道豈分貴賤人人箇箇圓成休教方寸萬緣生念念常歸清靜達了這黏消息不須屈體勞形靈臺皎潔勝冰輪照破無明種性

嘆出家兒生烟發火

一等求真慕道令人堪嘆堪憐遠量止酒戒腥羶做就出家行遣靜處閉眉合眼人前說道談禪些兒觸著早生烟錯了從來知見

妙用